

**Naalakkersuisut kingusinnerpaamik UKA 2018-mut ileqqussaasunik  
siunnersuisooqatigiinnik pilersitsinissamut siunnersuusioqqullugu Inatsisartut  
aalajangiiffigisassaattut siunnersuut**

(Inatsisartunut ilaasortaq Bent B. Kristiansen, Inuit Ataqatigiit)

**Akissuteqaat**

(Peqqissutsimut Nunat Avannarliit Suleqatigiinnerannullu Naalakkersuisoq)

**Aappassaaneerera**

Ilaqtariinnermut Peqqissutsimullu Ataatsimiititaliap isumaliutissiissutaa Naalakkersuisut tiguaat matumuunalu siunnersuummik peqqissaartumik suliarinninneq kiisalu ileqqussaasunik siunnersuisooqatigiinnik pilersitsinissaq pillugu isumaliutersuutit isumassarsinartut qutsavigineqarlutik. Nunatsinni ileqqussaasunik siunnersuisooqatigiinnik pilersitsinissaq amerlasuunit isumaqatigiissutigineqarlunilu taparserneqartoq paasineqarpoq.

Ilaqtariinnermut Peqqissutsimullu Ataatsimiititaliamut ilaasortat tamarmik isumaqatigiillutik siunnersuut taama isikkoqartillugu akuersissutigineqassasoq inassuteqaatigaat, taamatullu oqaaseqarlunga Naalakkersuisut sinnerlugit siunnersuutip saqqummiunneqartup akuersissutigineqarnissaa inassutigissavara.